



La nova pendiculara che collia las regiuns da skis Arosa e Lai ha lavurà fitg bain l'emprima stagiun.

FOTO PHOTOPRESS

Gia l'emprim onn in gudogn

Arosa Pendicularas SA

DA GION NUTEGN STGIER / ANR

■ **Il manaschi ha fatg la stagiun d'en-
viern 2013/14 ina svieuta da 28,285
milliuns francs e quai è passa 10%
dapli che anc l'onn avant. D'attribuir
èn quellas cifras cunzunt a la nova
colliaziun dals dus territoris da skis
d'Arosa cun Lai.** Ils 18 da schaner
2014 è la nova pendiculara «Urden-
bahn», che collia la regiun da skis
d'Arosa cun quella da Lai, vegnida sur-
dada al traffic. La nova pendiculara ha
ina lunghezza dad 1,7 km e custà ha el-
la bunmain 25 milliuns francs. Grazia
a quella colliaziun apartegna il territori
da skis da quels dus lieus, en Svizra, tar
ina da las grondas regiuns per ir cun
skis. A disposiziun stattan als skiunzs

40 pendicularas e runals e dapli che
100 km pistas. 94 dis è la nova pendi-
culara stada èn funcziun e grazia a quel-
la ha Arosa Pendicularas SA gi in bun
onn da gestiun.

94 dis en funcziun

L'avertura da la nova pendiculara ha gi
in effect positiv sin l'onn da gestiun e
quai è diversas partiziuns. La svieuta
totala è s'augmentada per 2,685 mil-
liuns francs sin 28,285 milliuns francs.
En cumparaziun cun l'onn precedent èn
quai tuttina 10,5% dapli. Sulet la svieuta
da las pendicularas è per 9,3% pli auta
che anc l'onn passà. Fatg ha Arosa Pen-
dicularas SA qua in stgomi da stgars 17
milliuns francs. Ils restaurants da las
pendicularas han er lavurà meglier e fatg

ina svieuta da stgars set milliuns francs.
Quai è 8,6% dapli che anc en l'onn da
gestiun 2012/13. Las expensas dal ma-
naschi èn cun 20,413 milliuns francs
dentant er per 8,1% pli autas. Il cash
flow munta a 6,203 milliuns francs e
quai è 28,1% dapli che l'onn preced-
ent. Las entradas tar ils skiunzs èn cun
in total da 516 000 per 0,4% pli autas,
cun quellas da Lai Pendicularas lura
schizunt per 6,2% pli autas (total 1,276
milliuns entradas da giasts). Sin funda-
ment da quellas cifras è sa mussà che las
«nozzas» da quellas duas regiuns da skis
han gia suenter l'emprima stagiun purtà
ils emprims fritgs. Questa stad vegn la
pendiculara tranter Lai ed Arosa a star a
disposiziun als giasts dals 15 da fanadur
fin ils 15 d'avust.